

# ՀԱՄԱԶԳԱՅԻՆ ՄԵԾ ՏՕՆԸ

— 0 —

ՀՐԱԽԷՐ ՀԱՅ ԳՐԱԴԱՆՆԵՐԻ ԿՈՎԿԱ-  
ՍԵԱՆ ԸՆԿ. ՎԱՐՉՈՒԹԻՒՆԻՅՑ

Հայ գրողների Կովկասեան Ընկե-  
րութիւնը իր ընդհանուր ժողովներից  
մէկում (1912 զեկտեմբեր 2) որոշում  
կայացրեց դրամական դիմումներ չա-  
նել մասնաւոր անհատների, այդ տե-  
սակի դիմումները վերապահելով պա-  
տեն ժամանակին անելու Հայ ժողո-  
վրդի ընդհանրութեանը և ազգային-  
հասարակական հիմնարկութիւններին:

Եւ անա այսօր այդ պատեն օրը:

Այսօր, Հայոց գրերի գիւտի և տպա-  
գրութեան մեծ յորելեանի օրը, Հա-  
յոց գրի ու գրքի լուսաւոր տօնին  
Գրողների Ընկերութեան վարչութիւնը,  
օգտուելով պետութիւնից իրեն տւած  
իրաւունքից (կան. 2. է) դիմում է ա-  
մենուրեք տարածւած Հայ ժողովրդի  
ընդհանրութեանը, դիմում է նրա ազ-  
գային այն բարձր գիտակցութեանը,  
որով նա սիրել է իր գրականութիւնը,  
արձագանգ տալ ամեն կողմից, յօժա-  
րակամ նւիրաբերութիւններով ուժե-  
ղացնել Հայոց գրական ֆոնդը և նրա  
միջոցով մայրենի գրականութիւնը, որ  
հանդիսանում է մեր ազգային ոգու  
հարազատ արտայայտութիւնը, մեր  
ինքնուրոյն գոյութեան պայծառ յոյսը,  
և կուլտուրական ազգերի շարքում  
կանգնելու մեր հզօր իրաւունքը:

Ընկերութիւնս հաւատում է, որ  
ամեն տեղ հայ ժողովուրդը սիրով  
պիտի ընդունի իր հրաւէրը և ամեն  
մի հայ մարդ իր<sup>ն</sup> ազգային  
գրականութեան յաջողութիւնը պիտի  
համարի իր սեփական յաջողութիւնը  
և Գրական Ընկերութեան նպատակնե-  
րը նկատի ախքան բարձր, ինչքան  
բարձր կարող են լինել իրենց լայն  
խմաստներով գրականութիւնն ու դի-  
տութիւնը ամեն աշխարհքում և ամեն  
մի ազգի մէջ:

Վարչ. նախ. Յովհ. Թումանեան  
Անդ.-քարտ. Գ. ա. ք. Ազանեան

Սուրամից մեզ գրում են, որ տառերի  
գիւտի 1500-ամեայ և հայկական  
տպագրութեան 400-ամեայ յորելեան-  
ների առթիւ այնտեղի ծխ. դպրոցի  
մանկավարժական խորհուրդը որոշել է  
մի գրական ցերեկոյթ կազմակերպել՝  
աշակերտների համար և գրական երե-  
կոյ պատշաճ դասախօսութեամբ՝ մեծե-  
րի համար: Կը ներկայացնեն «Օսկան  
Պետրովիչը ղժոխքումը» Սոււնդուկեանի  
պիէսը և երեկոյթի արդիւնքի մի մա-  
սը կը յատկացուի դպրոցական ֆոնդին:

Կովկասի Հայոց Հրատարակչական  
Ընկ. Վարչութիւնը իր ամսիս 9-ի  
նիստին որոշեց ամբողջ կազմով ներ-  
կայ լինել Թիֆլիսում կատարելիք  
հայ տպագրութեան 400-ամեայ և տա-  
ռերի գիւտի 1500-ամեայ յորելեանա-  
կան հանդէսներին: Վարչութիւնը  
յանձնարարեց իր նախագահ պ. բժ.  
Ա. Զարգարեանցին Ընկ. կողմից շը-  
սորհաւորանք մատուցանել:

Վերոյիշեալ տօնների առթիւ Ընկե-  
րութիւնը լոյս է ընծայում Ստ. Նա-  
զարեանի ժողովածուի Ա. հատորը,  
շքեղ հրատարակութեամբ, որը նւիր-  
ւած է տօնների յիշատակին:

Մարիամեան Յովնանեան օրիորդաց  
դպրոցի հոգաբարձական խորհուրդն  
իր վերջին նիստում ամսիս 2-ին, ո-  
րոշել է իր կազմից պատգամաւոր ու-  
ղարկել Էջմիածին հոգաբարձական  
խորհրդի անգամ պ. Գ. Տէր-Ստեփա-  
նեանին ազգային մեծ յորելեանին մաս-  
նակցելու համար:

Նոյն դպրոցի Մանկավարժական  
մարմնի կողմից պատգամաւոր է ըն-  
տրւած դպրոցի տեսուչ պ. Ստ. Մալ-  
խասեանցը:

Նոյն դպրոցի հոգաբարձութեան և  
ուսուցչական մարմինների մէջ հանգա-  
նակւած է յօգուտ դպրոցական ֆոնդի  
մօտ 150 ռուբ.: